

內熱炷名香祝皇王壽延萬歲

其四

日向南窗猶睡疎篁外柴門從閉驀有人來輕輕敲戶纔是轉
身慵起正濃美一味黑甜問人間甚物堪比 除是沉沉爛醉
忘驚悸又忘乘墜乘也不知墜也不知齊生死一同天地這些
意未悟難知卻如同啞子做謎

其五

莫見他人長短搜已過不教自亂舊日心猿元來意馬卻喚醒
漸馴罷絆澄心內觀鍊就沖和把凡胎抽換 事到眼前決斷
教神仙別無手段地久天長虛心實腹善計者不須籌算行功

道藏輯要

鳴鶴餘音

辛

紫集八
卅八上

滿跨朶祥雲去朝元得居仙館

其六

百歲韶華如電空迴首又來一遍販骨輪迴千生萬死只管改
頭換面要得免捉住清風把虛空打做一片 不誦南華經卷
也不要葛藤相伴截斷中流剔開心眼射透玉樓金殿莫迴轉
一志無移看山頭明月出現

繡停針

三于真人

道難說要自悟般般盡皆明徹剔透玲瓏迴光返照不在拈花
摘葉動生差別休舉念強生枝節本來模樣清淨淨有何言
說 須憑志猛烈仗慧劍落處斬釘截鐵擊碎恩山跳出愛海

打破虛空休歇氣神歡悅運九陽鍊成紅雪絲霞影裏捧出一輪皓月

賀聖朝

夕陽沉後隴收殘照柏鎖寒烟向南溪獨坐順風眠聽一派流泉迢迢永夜事忘閑性琴弄無絃待雲中青鳥降祥時證陸地神仙

其二

野僧歸後漁舟纜纜綠檜生烟對寒燈瀟灑枕書眠聽石漱流泉丹爐火滅琴房人靜風自調絃待孤峯頂上月明時正一夢游仙

道藏輯要

鳴鶴餘音

圭

蕭集八
世。文

行香子

寥寥寂寂灑灑瀟瀟淡生涯一味逍遙傍臨谷口斜枕山腰有竹籬門荆掃帚草團標寬布麻袍大緒長條挂一條曲律藤梢黃精白煮蒼朮親熬有瓦湯瓶砂釜竈葫蘆瓢

其二

閨苑瀛洲金谷重樓算不如茅舍清幽野花綉地莫也風流卻也宜春也宜夏也宜秋酒熟堪筇客至須留更無榮無辱無憂退閑一步着甚來由但倦時眠渴時飲醉時謳

其三

短短橫牆矮矮疎窻忔憎兒小小池塘高低疊障綠水邊傍卻